


歷代 日記叢鈔



歷代日記

學苑出版社

歷代日記叢鈔

第六七冊

西學下

桐城吳先生日記卷第九

希利尼有賢士曰瑣克拉底曰百拉多羅馬有賢士曰遂內葛曰阿費瑣克拉底弟子問去私荅曰已不能天能百拉多稱古人言性既死吾不能使之復活又云私欲都根於心又云今有人讀書好動合規矩外儀施爲皆善獨心則不能去私遂內葛云爲惡與酒醉相似彼爲酒醉惡人則爲惡醉阿費云我甚知所宜行之事乃反作不宜行之事深識道理乃反違道背理又云吾知善將往爲後牽制於惡卒不克往爲

巴比倫教謂上帝有如空氣惟星爲神故其人皆拜星及獻祭於星近卅年有英國人雷亞者至其地掘得古輒文甚夥其紀述創造天地萬物及洪水氾濫事與創世記略同其講天文特明晰一年爲三百六十五日三時以月之初生爲一月之始十二月爲一歲餘分積何月卽閏何月四年一閏八年再閏一晝

夜爲廿四點鐘

此時尚無自鳴鐘其爲後人僞託明甚

一點鐘爲六十分一分爲六十釐畫天爲

圖星宿各有名講明日月食豫知月食幾度其詩篇多言敬天之事謂日月天

空爲三位一體三位一體之下尙有五星爲五位其中惟木星最尊土星次之謂星有大能力能禍福人稱上帝爲一律有詩贊美一律又有服罪禱告文爲國王所用者國無聖賢而多博學碩儒知天文格物之學好神聽命於巫巫言能取星之能力盛之瓶中或囊而佩之以辟除灾病又言地上草木花石鳥獸等皆上應天星某應某星某具某星之能因而鬻取民財取人生年月日決人生死其他惡俗甚多其後米太興兵滅巴比倫當周景王六年巴比倫建國凡千五百年 愚謂西人謂埃及猶太希利尼諸國載籍多言巴比倫事而史傳闕略近年始得甄文者雷亞亞之後同治十二年光緒初元又有續得甄文碑記送入英京者其所言似近時語不類古蹟吾意此甄文殆僞撰也不然其讚美詩何與邪蘇教中人語盡合邪

埃及有大河貫其南北曰尼祿河國人神其河而拜之并奉其水族其城垣最古者曰瑣安建自中國夏孔甲時又有城名希利奧博類斯者譯言太陽也其人奉太陽爲神祭司千餘人多優於學問昔摩西居埃及時亦受業於祭司尼

祿河西有城曰挪弗昔亞伯拉罕雅各曾旅於此埃及都會也約瑟相埃及時實治此城其事在中國商沃丁時其城有生犍牛寺奉牛爲神牛死則改奉他牛以色列人因摩西至西乃山不還鎔金鑄犢而拜之因其故俗也國有聖書書有律法以其書爲天所默示違則違天命必受冥譴故王亦守律不敢越國人尊王或謂爲太陽神之子或謂王半爲神半爲人或謂上帝降神臨王身也王崩大臣陳述王德有惡王而詆毀之者不禁詆毀者多此王例不入墓王以此畏不敢縱欲焉埃及古時奉一上帝後乃謂地及日月星象風雨江河湖海各有神由是偶象滋生浸淫及於禽獸皆崇奉爲神當時鄰國稱埃及人爲奉鳥獸昆虫之國埃及古文希利尼羅馬及歐洲諸國皆無能讀今埃及人亦無能識古文者當大清嘉慶時有法國名儒至埃及之洛賽大城得古碑三體書三體書者一埃及文一希利尼文一埃及東陞臯比地文也法儒因希利尼文遂通臯比地埃及文又因埃及一碑文推知各埃及碑并埃及古書略可屬讀其最要之書名曰著光著光言靈魂不死其離世下見冥府受地獄王審訊事

甚詳著光書甚古中有二三卷約在中國陶唐以上其別言輪迴爲一書亦有重學算學天文諸書天文算學埃及自古重之古歷歲凡三百有六旬有五曰嗣創新法歲以三百六旬五日三時爲定算術有代數幾何而天文尤精其外國紀載詳埃及事者則猶太舊約其尤著也其次則希羅多書希羅多者希利尼人也其生當中國周敬王時又次則馬內多書馬內多初爲希利尼人後徙居埃及亞文邑爲太陽廟祭司長其書今多散亡其人當周赧王時又其次曰地歐多拉士羅馬人生當中國漢宣帝時埃及初敬上帝後愈趨下供奉偶像至多又後則弄偶像而崇祀飛禽走獸祀及禽獸其不至禽獸其行者與有幾當開國時天文地理格致之學皆擅長觀所造房屋墳墓用上銳下方之法精堅不壞至今猶存可推知其餘矣其祭祀亦明三位一體之義其初謂日可以表明上帝後乃謂日卽上帝謂晝一位夜一位溫燉之氣能生物者爲一位此爲三位一體一說父母子爲三位一體云其教亦謂人死後有審判事謂有三神主之不云天主又頗說人死復活用藥與水銀敷人尸使歷久不壞謂復活

之期靈魂各附其尸蹶然躍然并起矣不似邪蘇謂尸壞而魂不壞能復活也其祭祀亦用以贖罪以祭司爲中保與邪蘇教大同小異云 埃及爲摩西受學之地故其教略如邪蘇邪蘇出而盡變舊說所云三位一體死後審判復活及祭司爲中保贖罪乃益加厲矣此所謂後息者勝也而埃及至於祀及禽獸不亦甚乎文明舊國至乃文字絕滅世無能識之者何其痛也

印度古書名四韋駝其中詩篇有在中國唐虞時者有在夏后時者亦有在商湯時者舊約創世記詩篇而外莫古於此商周之世皆有注家其書略識事天與邪蘇道術相近亦有靈魂往居天堂等說又有求上帝赦免罪過諸詩無偶像像廟宇迨至殷商之世乃有火神太陽神風神湖海神等謬俗其神之最大者三一日天印度二日日印度三曰白晝印度蓋亦三位一體之義然其自是與邪蘇道術歧出矣印度古書謂太初時有神曰八明八明者獨一無二之神本名巴呀八帝後改爲八明八明體具一陰一陽之道裂其身爲一男一女遂爲萬古生人之始女又變爲犍牛男爲犍牛旣又變而爲牝馬牡馬至於蜂蟻蚊

蚋莫不皆然此萬物化生之由也其書有云東海老人自言親歷海田之變者
 三類道家言云八明後分三位一爲巴馬二爲衛世努三爲息罷巴馬者創造
 萬物者也衛世努者保祐萬物者也息罷者剝落萬物者也巴馬古有廟祀後
 遂闕如爲其不作威福尊而不親巴馬像本五頭息罷斬其一今止有四頭
 卽四方也衛世努降臨凡十次始爲魚繼爲龜爲艾豹爲人首獅身爲侏儒爲
 樵其說多怪誕不經息罷者譯言嘉慶也其神主滅亡印度人畏而奉之視巴
 馬衛世努特異息罷貌奇特黑面五頭三眼一眼在額有大弓利斧旣斬巴馬
 一頭衆神無不畏之印度教會不齊惟息罷之教最夥息罷之猶子曰殺格敵
 尤酷於息罷入其教者害理傷義靡所不至自息罷殺格敵教外其餘教會之
 有名者其一曰膽定不著衣以布蔽其下體乞食於婆羅門其拜息罷則自刺
 骹血獻祭二曰越哈欲出輪迴苦鍊百端以冀永生三曰靈哈尤鄙劣四曰巴
 拉馬呵撒不出門不著衣困窮不宥告人以飢寒爲樂五曰呵格禮呢出門乞
 食以己之苦鍊示人或不見憐至以人糞爲食其祭息罷則殺人以獻六曰爾

達巴胡一手握拳指甲刺入掌內使人哀憐七曰阿蛤殺仰面視天永不同轉以此爲苦鍊之道其教俗之弊如此其言曰人分四類自巴馬頂上出者最尊所謂婆羅門也如中國之儒家自巴馬臂閒出者曰刹帝利刹帝利乃爲君臣兵將治世者也自巴馬股中出者曰吠舍商賈也自巴馬足下出者曰戌陀羅胼胝耕耘作苦者也此四類者分門別戶不通慶弔不相爲昏姻婆羅門尤賤視戌陀羅不施教訓云其俗重男輕女夫死則婦履薪自焚死俗又重祭至有殺人以祭者又有以身禱者謂苦志勞神饑餓於是始入天堂矣或作大籠懸樹閒置身其中以禱祝持戒印度有大河土人名爲聖水父母病篤推入水中謂潔其身以備升天或至高山自投下碎骨斷筋以爲眞修鍊婆羅門教書所云四韋陀者其別曰費大費大者譯言智慧也費大之文謂皆八明所親告費大而外有書曰欲罷彌撒謂皆八明所默示不皆出於八明之口矣其中有曰門大蛤者謂是創造宇宙之主宰教其長子者也其大旨四端一欲人知八明爲獨一無二之主宰二欲人知萬物皆虛假由人心造作而成三言人之靈魂

與八明爲一不可分離四勸人明費大道理乃可超出輪迴得以永生又有書曰布拉納者多識前載作者非一時有在西漢時有東晉時亦有在唐宋時印度書卽中國所謂梵語其字數甚少然希利尼臘丁英德諸國文字皆以印度爲權輿云其馬努律例不知何人所著其序云我上帝子也又云我乃創造天地萬物者馬努者譯之則思慕想像之義也印度當商小辛時有人察知三百六十五日爲一年又察知地球每日一周圓而非方且考知日食月食之躔度凡星學數學堪輿之學皆極精審算書如弧角丈量鉤股開方諸法無不備當周初有賢人曰蛤必拉深於性理格致之學興一教會曰山基亞其言曰人之才幹有八一日歛抑二曰強壯三曰輕妙四曰聰明五曰通達權變六曰死物能生七曰曲成萬物八曰從心所欲成此八能厥有五術一曰和平二曰恆心三曰斟酌四曰圓通五曰忍耐與蛤必拉同時有賢士曰巴旦照理興一教會曰越蛤謂山基亞之教謂天地萬物自然而生別無主宰其說非也宇宙形形色色皆至大至尊之主宰經營而成萬物之主宰曰奧牢奧牢者譯之卽三位

一體大有榮曜之義也學欲契合與年宜祛八病遵八術入病一嗜欲二偏僻三憊愚四滿假五姑息六怨恨七妄想八怠惰八術一忍耐二拜禮三靜養四屏氣五斂抑六不動心七想慕八鎮定越蛤之教有趺坐數息之法今印度人信山基亞者十之八九信越蛤者十之二三 婆羅門舊教費大詩篇所云靈魂往居天堂求上帝赦免罪過及三位一體諸說皆邪蘇教所自出其所稱八明之神類邪蘇教所云邪和華其書謂是八明口傳及所默示而馬努律例至自謂爲上帝子又自謂爲創造天地萬物皆與邪蘇略同蓋皆所謂神道設教也惟山基亞謂天地萬物自然而生別無創造之神其說獨異而今之爲邪蘇說者亦獨排擯之然印度至今遵信其言彼固自有其不可磨滅者乎觀於印度諸會亦足通知古之立教之多術也

釋迦文印度北地蛤必刺國太子也生當周靈王廿四年父有智略母鄰國王女美麗太子生七日而母卒王命后女弟鞠之既長入塾智過其師不與羣兒戲嬉沈默思道妻鄰國女有德容雖相愛好而修道益勤嘗曰人生天地如石

激之火光旋出而滅如琴瑟之有聲罷彈輒止惟聰明無翳障者能照臨萬物耳年十九出見老者病者死者貧苦乞食者遂成大悟歸告其父與妻必出家家人守禁之伺守者怠寢乘車夜去至樹林下車脫服佩使僕持歸曰吾不反矣已而從一師學盡其道去之徙一師盡其道又去之從之去者五人結廬靜地五人同居講誦者六年淡食惡服苦心修行既又去而之他求去苦惱五人者亦別去久之有異象顯現乃恍然悟曰得之矣今後可以除三苦惱矣遂棄舊名更名爲佛佛者譯言覺也印度有城曰卑拏利文士所萃佛因居此講明天道拯救世人有拉格力哈國王延而客之後從者甚衆有高弟子三人曰沙力補曰格大呀哪曰馬格牙拏後拉格力哈王爲其世子所弑佛去徙勾沙拉國其王亦信之受業於門佛出家十二年歸國省父其妻及母姨皆信其道出家爲尼後至各國從者常數十百人年且七十將往腓沙利力乏不能進行至其初出之樹林下遂坐化時周敬王廿四年也佛所說法與婆羅門多異謂費大四書多非上帝本愜婆羅門謂人有四類佛言人盡一類婆羅門獻祭多品

佛教人祭祀但悔罪禱告而已不取多物婆羅門教人無上下貴賤惟子命是從佛言人當擇善而從婆羅門如蛛結網自居其中盡縛衆生於網內使不得自遂非法也婆羅門言天地萬物皆八明所創全是虛假惟八明爲眞佛曰天地萬物固是虛假卽八明亦非眞也天地萬物自生自長不待創造而成無神生之主之也佛始最信婆羅門後乃事事立異由是婆羅門教深心疾佛欲殺以泄憤及佛圓寂婆羅門虐待佛弟子至周烈王五年印度有君曰阿蘇哈深信佛教此君沒後婆羅門之勢又熾盡逐佛教東西遠出自是至今印度無佛教佛之言曰天地萬物隨時變遷無有停息自初剖判至佛出世之界變更已五百五十次矣燒劫之後是謂混沌混沌旣闢先露山岳後拓四洲繼而國都城池所在皆有其究也仍爲混沌雖有聖神不能強易也輪迴之道佛與婆羅門立說亦異婆羅門云人之輪迴皆由天命非人之所得爲佛云是皆在己已若行善便有善報己若爲惡便有惡報天不能持其權也故佛教無上帝人卽上帝也其教弟子也以功德爲勝算如貿易然婆羅門又云宇宙閒形形色色

上而霜露下而金石中而動植諸物皆有輪迴佛云活物輪迴死物無輪迴也
婆羅門云世有三位一體巴馬衛世努息罷是也佛云無三位有三理一曰佛
二曰法三曰僧此三者亦一體佛之教與邪蘇同者佛最重者阿彌陀佛譯言
頂上圓光也新約約翰書稱邪蘇爲世界大光又阿彌陀冑前有一記仿佛十
字架十字架邪蘇所死處也佛又云有極樂園在極西麋鹿山頂心藏私欲者
不得其門而入此亦邪蘇之言見新約默示錄又極樂園三字小乘無此語卽
大乘初亦無之至前宋著大乘者乃有此言佛又言人欲到極樂園但悔罪改
過一心思慕阿彌陀足矣此亦邪蘇之言見新約羅馬書中至如觀音菩薩天
后聖母等大小二乘俱無此此襲天主教馬利亞故事也佛教後分類派如法
相宗無相宗圓教法性觀教以及終教頓教不可枚舉至唐又有渝伽密教佛
徒散之四方者自阿蘇蛤之子馬很大傳教錫蘭始其東行者至緬甸暹羅安
南其東北行至罽賓內豹葛世秘烏弋山離難兜而秦紀莊襄王時有十八人
同到中土此爲佛至中國之始其至高麗則晉簡文二年也至日本則西魏欽

帝五年也至西藏則晉安帝十年也西藏至唐以後信佛尤盛浸淫及於蒙古滿洲云阿蘇哈之後婆羅門之教復盛盡燒佛經其時有葛世秘王名蛤彌世蛤者自漢成帝十七年卽位至光武十五年而卒在位五十六年嘗聚各國和尚收焚餘之經卷考辨眞僞而南北和尚各執一見齟齬不合由此分爲南北兩教南爲小乘北爲大乘小乘仍還錫蘭有東至緬甸暹羅安南者大乘仍還東北今之罽賓內豹伊犁高麗日本蒙古西藏及中國皆是也小乘之經多眞大乘之經多僞

吾友中島裁之云中國唐以前所譯多僞惟唐所譯者爲眞

中國自漢明帝後晉安帝魏胡

太后唐太宗懿宗宋仁宗皆嘗遣使到西域取佛經然皆僅見一班至明成祖永樂七年大行佛教而中國佛經始全初佛始圓寂弟子記其言語是爲佛經經有三類一毗尼記佛修行立志之事二阿比曇記生平所作事三阿毗達磨記性理格致之道書分三部名三藏古今書籍邪蘇教外惟佛經最夥佛經本用梵文其傳至錫蘭者始用巴里文緬甸暹羅安南諸國因之其入中國者用中國文而西藏用梵文佛教莫盛於西藏西藏有佛經一千八十部廿年前蒙

古賈人到西藏用大牛七千頭易西藏全經載之而去佛經大誡五一殺人二竊物三姦淫四妄言五酗酒又小誡七一僞兒二怒三驕四疑五貪六好議論七殘忍有十勸一孝順二慈愛三順從四感激五謙遜六勤苦七鎮靜八寬恕九矜卹十周濟 佛之教行於亞洲遠矣非其道勝亦何以至此其謂天地萬物不待創造與山基亞教之言若符節之契焉事之出於懸度者必有起而非之者也其教學者專恃人爲無所謂上帝可謂毅然特立之士矣其教之同於邪蘇者邪蘇之徒謂皆釋家襲取新約爲說佛出於邪蘇之前乃反襲其後起之說其可信也歟

祚樂阿士對者姓士必達馬巴西聖人也其生當夏后局厘二王時弱冠出遊訪道嘗到迦南見亞伯拉罕後著書傳世其書曰仁遏瓦遏斯大譯言仁者懺悔也遏瓦遏斯大者律例也其聲名洋溢巴比倫希利尼羅馬皆景仰焉其書五大部二百萬行亞伯國人嘗云繕寫此書當用牛皮紙二百張周頃王時有馬吉純國王名亞力山大者用兵爭戰燒其書幾盡其未盡焚者其言避地獄

到極樂園修來世之報等皆與婆羅門佛教略同其言死後復活升天堂等略同耶蘇其稱上帝爲阿呼拉馬札譯言創造天地萬物之眞神也祚樂阿士對自少至老於上帝精微之蘊獨能深闡謂凡物不能孤立必有偶對一陰一陽一明一幽自陽明出者爲善自陰幽出者爲惡善惡同時并發無後先遲速如孿生然善之神曰奧爾牟惡之神曰阿喜慢二神常相戰各有六神爲之輔善神六輔一名阿呼馬努是宇宙生命之原一名阿地背喜是天下光明主一名剌拉瓦五金主宰也能令人多財一名移山大能令人孝親敬長一名葛爾大謂宇宙也一名阿美爾大百穀華實發生之主也惡神之輔亦有六神皆有名字當兩儀初分善惡二神襍處天堂阿喜慢肆意橫行後被鎖細鄂逐去惡神天下乃定鎖細鄂者譯言賞恩給人善神之本名也能從墳墓中將人喚起復活而審判之天堂地獄中有一橋名震娃人死三日魂到此橋惡人則墜於橋下卽地獄善人有天使引渡便入天堂祚樂阿士對所論創造天地與舊約略同其云人之初生一男一女卽同舊約又言洪水之事亦見舊約巴西人始事